



Ikinyamakuru N°31/2016:

Taliki ya 1-10 Ugushyingo 2016

Ryoherejwe kuwa 12 Ugushyingo 2016

**Ingingoz'ingenzi:**

- o **Igiteranyo cy'imvura** yabonetse mu minsi 10 ya mbere y'Ugushyingo 2016; cyagaragaje imvura iri mu kigereranyo cy'isanzwe iboneka mu bice byinshi by'u Rwanda;
- o **Iyongera ry'ububobere bw'ubutaka** ryongeye kuboneka mu bice byose by'igihugu cyane cyane Intara y'Amajyaruguru
- o **Imvura ikwira hose** niyo igaragara kuzaranga igihembwe cya 2 (11-20) cy'Ugushyingo.


**I. Iriburiro**

- Imbonerahamwe irererekana ikigereranyo ku mvura yaguye mu minsi icumi ya mbere y'Ugushyingo\_2016 ndetse n'imvura dusanzwe tubona muri iyo minsi kuri buri bupimiro

**Igiteranyo cy'imvura kuri buri bupimiro (muri mm)**

Ubupimiro	Ugushyingo_1-10_2016	Ugushyingo_1-10
Kigali	37.7	43.6
Rusizi (Kamembe)	42.1	63.4
Rubavu (Gisenyi)	34.1	56.6
Nyamagabe (Gikongoro)	81.3	40.5
Ngoma (Kibungo)	59.8	39.6
Gicumbi (Byumba)	71.8	58.5
Busogo	43.5	56.8
Bugarama	24.5	33.7
Musanze (Ruhengeri)	43.5	56.8
Gitega	23.6	33.4
Rubengera	65.6	33.3
Byimana	28.6	43
Kawangire	78.5	47.6
Nyagatare	71.3	47.6


Imbonerahamwe ya




igishushanyo

b) **Ubusesenguzi ku mvura yaguye:** Ikarita zikurikira zigereranya imvura yaguye mu minsi 10 ya mbere y'Ugushyingo 2016; imvura isanzwe igwa muri uko kwezi, imvura yaguye mu minsi 10 yayibanjirije; ndetse n'imvura isanzwe igwa mur'iyi minsi.


**Ikarita ya1: Imvura yaguye (mm): 1-10\_Ugushyingo\_2016**




**Ikarita ya2: Imvura isanzwe igwa (mm): 1-10\_Ugushyingo**



**Ikarita ya3: Imvura yaguye (mm): 21-31\_Ukwakira\_2016**



**Ikarita ya4: Imvura isanzwe igwa (mm): 21-31\_Ukwakira**



**II. Uko imvura yaguye hirya no hino mu gihugu mu minsi 10 ya mbere (igihembwe cya mbere) Ugushyingo\_2016 mu buryo burambuye**

Igiteranyo cy'imvura yabonetse mu minsi 10 ya mbere y'Ugushyingo 2016; cyagaragaje imvura iri mu kigereranyo cy'isanzwe iboneka mu bice byinshi by'u Rwanda. Amajyepfo yari yarabonye imvura nke mu minsi 10 ya nyuma y'Ukwakira yabonye imvura nyinshi ugereranyije n'ubundi bupimiro mu gihugu; imvura urebeye muri rusange yaguye ku kigereranyo gisanzwe cy'imvura dusanzwe tubona muri iyi minsi reba **Ikarita ya1, 2, 3&4**):

**a) Intara y'Iburasirazuba**

Ubupimiro bwose bwerekanye imvura iri hejuru y'isanzwe iboneka; aho amajyaruguru y'iyi Ntara ariho habonetse imvura nyinshi ku bupimiro bwa Kawangire (mm 78.5) ndetse na Nyagatare (mm 71.3)

**b) Intara y'Amajyaruguru**

Ubupimiro bwose buhagarariye iyi Ntara buri ku kigereranyo cy'imvura isanzwe ihaboneka (reba **Ikarita ya1&2**); aho Gicumbi aribwo bupimiro bwabonye imvura nyinshi muri ingana na mm 71.8 z'imvura

c) **Intara y'Amajyepfo**

Imvura yabaye nyinshi murengerazuba bw'amajyepfo, iba mu kigereranyo cy'isanzwe iboneka ahandi hose muri iyi Ntara. Ubupimiro bwa Nyamagabe nibwo bwabonye imvura nyinshi mu gihugu cyose ingana na mm 81.3

d) **Intara y'i Burengerazuba**


Nubwo ubupimiro bwa Rusizi na Rubavu bugaragaza imvura nke muri iyi Ntara; ikigereranyo rusange cyerekana imvura yaguye neza muri iyi Ntara iri mu kigereranyo cy'imvura isanzwe iboneka muri iyo minsi

e) **Umujyi wa Kigali**

Mu mujyi wa Kigali uhagarariwe n'ubupimiro 2 (Gitega na Kigali) habonetse igiteranyo cy'imvura iri mu kigereranyo cy'isanzwe igwa (reba **Imbonerahamwe ya1 n'Ikarita ya1&2**)

**III. Ingaruka ku Buhinzi**

a) **Ububobere bw'ubutaka (amafoto y'icyogajuru)**



Muri iyi minsi 10 ya mbere y'Ugushyingo 2016; habonetse imvura mu bice byose by'igihugu yongereye ububobere bw'ubutaka mu Rwanda hose cyane cyane igice cy'amajyaruguru mu Ntara y'Amajyaruguru (reba **Ikarita ya 5&6**) Igihembwe cya 2 cy'Ugushyingo (11-20), hateganyijwe ugukomeza kugwa kw'imvura mu Rwanda hose; Abahinzi barasabwa gukomeza kubika amazi y'imvura yo gukoreshwa mu kuhira ibihingwa.

b) **Iteganyagihe ry'igihembwe cya 2 Ugushyingo 2016**

Ku bupimiro bwinshi bw'igihugu hateganyijwe ugukomeza kugwa kw'imvura igwa neza:

**Umujyi wa Kigali;** hateganyijwe urunyurane rw'iminsi y'imvura n'iy'izuba ku ngano y'imvura iri mu kigereranyo cy'iyi dusanzwe tubona.

**Intara y'Uburasirazuba;** hateganyijwe imvura mu bice byose iri mu kigereranyo cy'isanzwe ihaboneka.

**Intara y'Uburengerazuba;** hateganyijwe imvura iri mu kigero cy'isanzwe igwa.

**Intara y'Amajyaruguru;** hateganyijwe imvura iri mu kigero cy'isanzwe igwa.

**Intara y'Amajyepfo;** hateganyijwe imvura iri mu kigereranyo cy'isanzwe ihaboneka; naho uburengerazuba bw'iyi Ntara bukazabona imvura ishobora kwiyongera ikagera ku kigereranyo cyo hejuru.

**N.B:** Iri teganyagihe rigomba kwifashishwa hagendewe kurisohoka buri muni, iry'iminsi itatu (3), itanu (5) ndetse n'iry'iminsi irindwi (7) ritangwa n'Ikigo cy'Ubumenyi bw'Ikirere (Meteo Rwanda)